

灌志文徵卷十一

七言律詩上

野望

杜甫

西山白雪三城戍，南浦清江萬里橋，海內風塵諸弟隔，天涯涕淚一身遙，惟將遲暮供多病，未有涓埃答聖朝，跨馬出郊時極目，不堪人事日蕭條，

登樓

杜甫

花近高樓傷客心，萬方多難此登臨，錦江春色來天地，玉壘浮雲變古今，北極朝廷終不改，西川寇盜莫相侵，可憐後主還祠廟，日暮聊為梁甫吟，

灌志文徵

卷十一 七言律詩上

寄杜位

杜甫

近聞寬法離新州，想見懷歸尚百憂，逐客雖皆萬里去，悲君已是十年流，干戈况復塵隨眼，鬢髮還應雪滿頭，玉壘題書心緒亂，何時更得曲江遊，

陪李七司馬阜江上觀造竹橋

杜甫

伐竹為橋結構同，褰裳不涉往來通，天寒白鶴歸華表，日落蒼龍見水中，願我老非題柱客，知君才是濟川功，合觀却笑千年事，驅石何時到海東

上皇觀

薛逢

狂寇窮兵犯帝畿，上皇曾此振戎衣，門前衛士傳清警，砌下奚官掃翠微，雲駐壽宮三洞起，日迴仙馭六龍歸，當時丹鳳銜書處，松柏

蒼蒼已合圍，

上皇觀

章孝標

煙霞星蓋七星旛，想像先朝駐禁鑾，輦路已平栽藥地，皇風猶在步
虛壇，樓臺瑞氣晴蕭索，杉檜龍身老屈蟠，翻感惠休并李郭，劍門
空處望長安，

長生觀

唐求

數里緣山不厭難，為尋真訣問黃冠，苔鋪翠點仙橋滑，松織香梢古
道寒，晝傍綠畦鋤嫩玉，夜開紅竈煉新丹，鍾聲已斷泉聲在，風動
茅花月滿壇，

井絡

李商隱

井絡天彭一掌中，謾誇天險劍為峯，陣圖東聚夔江石，邊柝西懸雪

灌志文徵

卷十一 七言律詩上

二

嶺松，堪歎故君成杜宇，可能先主是真龍，將來為報奸雄輩，莫向
金牛訪舊蹤，

上蜀先主王建一首

張令問

封章才達冕旒前，黜詔俄離玉座端，二亂豈由明主用，五危終被佞
臣彈，西巡鳳府非為固，東播鑿輿卒未安，諫疏至今如可在，誰能
更與讀來看，

悼道古

貫休

清河逝水太怱怱，東觀無人失至公，天上君恩三載隔，鑑中鸞影一
時空，墳生古霧蒼茫外，門掩寒雲寂寞中，惆悵斯人又如此，一聲
蠻笛滿江風，

鴻都觀

杜光庭

亡吳霸越已功全，深隱雲林始學仙，鸞鶴自飄三島駕，波濤猶憶五湖船，雙溪夜月澄寒玉，衆嶺秋空歛翠烟，也有扁舟歸去興，故鄉東望思悠然，

福唐觀

杜光庭

曾隨雲水此山遊，行盡層峯更上樓，九月登臨須有意，七年岐路亦堪愁，樹紅樹碧高低影，烟淡烟濃遠近秋，暫熱爐香不須去，伴陪天仗入神州，

仙居觀

杜光庭

五嶽仙人朝玉皇，四真三代住繁陽，初開九鼎丹華熟，繼躡五雲天路長，烟瑣翠嵐迷舊野，池凝寒鏡貯秋光，時從白鹿岩前往，應許潛通不死鄉，

灌志文徵

卷十一 七言律詩上

三

都慶觀

杜光庭

三仙一一駕紅鸞，仙去雲閒遠古壇，煉藥舊臺空處所，掛衣喬木兩摧殘，清風嶺接猿聲近，白石溪涵水影寒，二十四峯皆古隱，振纓長往亦何難，

本竹觀

一說詠金華宮

杜光庭

樓閣層層冠此山，雕軒朱檻一躋攀，碑刊古篆龍蛇動，洞接諸天日月閑，帝子影堂香漠漠，真人丹澗水潺潺，掃空雙竹今何在，只恐投波去不還，

哭道古詩

鄭遨

曾陳章疏忤昭皇，撲落西南事可傷，寧使諫臣終屈辱，直疑大道惡忠良，生前賣卜居三蜀，死後馳名遍大唐，誰是後來修史者，言君

赴義振頰綱，

題青城謁丈人觀

徐太后

千尋綠嶂夾流溪，登眺應知海岳低，瀑布遙春青石碎，茵輪橫翦翠峯齊，步黏苔蘚龍門峭，目閃煙蘿鳥徑迷，莫道穹天無路到，此山便是碧雲梯，

題金華宮

徐太后

碧烟紅霧撲人衣，露宿蒼苔石徑危，風巧解吹松上曲，蝶嬌頻探臉邊脂，同尋僻徑思携手，暗指遙山學畫眉，好把身心清淨處，角冠霞帔事希夷，

題青城山丈人觀

徐太妃

早與元妃慕至玄，同躋靈嶽訪真仙，當時信有壺中景，今日親來洞

灌志文徵

卷十一 七言律詩上 四

裏天，儀仗影交寥廓外，金絲聲揭翠微巔，獨慚未致華胥理，徒卜昇平萬萬年，

禱青城山歷丈人觀元都觀朝上清宮謁先帝像

徐太妃

丹景山頭宿梵宮，玉軒金輅駐遙空，軍持無水注寒碧，蘭若有花開晚紅，武士盡排青嶂下，內人皆在講筵中，我家帝子傳王業，積善終期四海同，

遊青城過卓江溺水有丈人以杖接引旋失所在

楊鼎夫

青城峭出江水寒，欲渡當時作等閑，權逆狂風吹遠岸，舟逢怪石碎前灣，手扳弱杖倉皇處，命在洪濤頃刻間，今日深恩無以報，令人羞說雀銜環，

入蜀先寄青城張俞先生

趙抃

踰年青社得徘徊，一日皇華下詔催，蜀道五千馳驛去，秦關百二拂雲開，不同參政初時入，也似尙書兩度來，到日先生應笑我，白頭猶是走塵埃，

贈道士李垂應

趙抃

坐觀山水氣幽清，恬淡沖虛樂性情，跡混光塵宗老氏，術通仙俗似君平，欣逢真侶論根本，恥向權門叩利名，濟世金丹得傳授，先生高隱在青城，

謁青城山

趙抃

背琴負酒上青城，雲爲開收月爲明，觀宿有詩招主簿，劉絳詩約同游 廬空無分見先生，張翥出山 墻留古畫仙姿活，石載奇文俗眼驚，卻念吾鄉山亦好，十年孤負爛柯行，

灌志文徵

卷十一 七言律詩上

五

送鮮于都曹歸蜀灌口舊居

蘇軾

繭盡霜鬚照碧銅，依然春雪在長松，朝行犀浦催收芋，夜度繩橋看伏龍，莫嘆倦遊無駟馬，要將老健敵千鍾，子雲三世惟身在，爲向西南說病容，

再題青城山

范成大

萬里清遊不厭慵，雙旗換得一枝筇，來從井絡直西路，上到江源第一峯，海內閒身輸我逸，山中佳氣爲人濃，題詩試刻巖前石，付與他年蘚暈重，

青城山會慶建福宮

范成大

墨詔東來洵驛傳，璇題金榜照山川，祥開聖代千秋節，嚮動仙都九寶天，觸石湧雲埋紫邏，流金飛火燭蒼巖，祇應老宅龐眉客，長記

新宮錫號年

老宅即老人材也舊諺涼澤

上清宮

范成大

歷井捫參興未闌，丹梯通處更躋攀，冥濛蜀道一雲氣，破碎岷山千
髻鬢，但覺星辰垂地下，不知風雨滿人間，蝸牛兩角渾如夢，更說
紛紛觸與蠻，

青城經何子方使君同年園池

范成大

橙塍芋隴憶中行，浩蕩薰風不計程，雨腳背人歸玉壘，江聲隨馬入
青城，五橋今日新知路，千佛當年舊綴名，水竹光中同一笑，丐君
荷露濯塵纓，

丈人觀道院

陸游

斷雲浮月磬聲殘，木影如龍布石盤，偶駕青鸞塵世窄，閒吹玉笛洞

灌志文徵

卷十一 七言律詩上

六

天寒，奇香滿院晨炊藥，異氣穿崖夜浴丹，卻笑飛仙未忘俗，金貂
猶帶侍中冠，

上清宮

陸游

九萬天衢浩浩風，此身真是一枯蓬，盤蔬采掇多靈藥，閣道攀躋出
半空，累盡神仙端可致，心虛造化欲無功，金丹定解幽人意，散作
山椒蠟炬紅，

自上清延慶觀歸過丈人觀少留

陸游

再到蓬萊路欲平，卻吹長笛過青城，空山霜葉無行迹，半嶺天風有
嘯聲，細棧跨雲縈峭絕，危橋飛柱插澄清，玉華更跨青鸞住，要倚
闌干待月明，

將之榮州取道青城

陸游

倚天山作海濤傾，看徧人間兩赤城。青城一名赤城而天台之赤城乃予舊游自笑年年隨宦牒，不知處處得閑行，草痕沙際猶餘綠，楓葉霜餘已帶頰，歸去還堪詫兒輩，錦囊三十六崢嶸，

新歲頗健寄青城故人

陸游

驕氣年來痛自鋤，似能略契度關書，神光出昔夜穿帳，胎髮滿頭晨映梳，吾道原知非土苴，此身那可任邱墟，岷山幸有丹鑪在，青壁何時共結廬，

登上清小閣

陸游

樓觀參差倚晚晴，偶然信步得閒行，欲求靈藥換凡骨，先挽天河洗俗情，雲作玉峯時北起，山如翠浪盡東傾，何因從此橫空去，笙鶴飄然過洛城，

灌志文徵

卷十一 七言律詩上 七

宿上清宮

陸游

永夜寥寥憩上清，下聽萬壑度松聲，星辰頓覺去人近，風雨何曾敗月明。是夕山下風雨絕頂月明到曉早歲文辭妨至道，中年憂患博虛名，一菴儻許西峯住

，常說巢仙問死生。上官道人巢居山中

丈人觀

楚鸞

靜見門庭紫氣生，前山嵐靄入樓青，玉壇醮罷鬼神喜，金鼎藥成雞犬靈，巖下水光分五色，壺中人壽過千齡，何當一日拋凡骨，騎取蒼龍上杳冥，

張道士蜀山圖

虞集

碧玉參天是蜀山，舊曾飛度歷孱顏，松風上接空歌外，蘿月長懸合景間，試劍丹崖秋隼疾，濯纓錦水夜龍閒，君家虛靖歸來日，冉冉

蓬壺爲憶還，

遊疏江亭觀修都江堰

楊慎

疏江亭上眺芳春，千古離堆跡未陳，
轟轟樓臺籠蜃氣，眇眇原隰接龍脣，
井居需養非秦政，作堰淘灘是禹神，
爲喜灌壇河潤遠，恩波德水又更新，

送福上人還青城

楊慎

青城三十六高峯，寺在青峯第幾重，
飛錫曾聞經雪嶺，結茅常愛住雲松，
花飄香界諸天雨，金吼霜林半夜鐘，
傳語禪關休上鎖，虎溪他日會相從，

長生觀

楊慎

天谷隱者范長生，風御冷然獨振纓，
避世已高巢父節，讓王還並務

灌志文徵

卷十一 七言律詩上

八

光名，黃金鑪鼎留千載，白玉樓臺上五城，
古觀荒基誰過問，帶蘿披荔重含情，

登青城贈黃梓谷

慎楊

浩浩洪流帶白沙，盤盤丹磴繞青霞，
漁郎源水疑無路，羽士壺山別有家，
玉女房頭交讓木，寶仙洞口太平花，
采真他日重期子，煙駕雲裝兩鶴車，

玉環池

一名浴妃池

楊慎

妃子池連玉女房，溫柔元近白雲鄉，
光涵色界三千頃，潤接華清第一湯，
沃雪已消驪嶺火，凝脂應化馬嵬香，
不知見月行宮夜，曾夢芳魂此水傍，

青城山

玄谷子

剛離丹景又青城，竟日遊山兩脚輕，自是性情耽野趣，可教福地負
經行，先春消息梅千點，笑客馳驅鳥數聲，便合從今事高引，朝陽
洞內了前盟，

謁秦蜀守李公祠尋離堆山故蹟

范 涑

岷江分派入離堆，誰借神功霹靂開，蜀守自傳丹篆秘，秦人那得赤
衣來，千年沃野春長在，萬井康謠日幾回，伏臘試瞻香靄散，紅雲
高並禹王臺，

謁范長生觀故址猶存用太史楊用修生字韻

范 涑

長拂紅塵笑此生，偶緣仙蹟訪蓬瀛，雲迷絳節山花麗，蘚蝕丹鑪野
鳥鳴，讓國祇餘高士傳，談經空憶步虛聲，徘徊故址頻搔首，萬疊
嵐光過客情，

灌志文徵

卷十一 七言律詩上 九

雪山

薛 曾

岷嶺高寒井絡邊，千年積雪尙依然，層樓直接三城戍，懸度遙連萬
里天，琪樹籠晴光奪目，銀橫垂練午生煙，玉京咫尺瓊樓在，應有
飄車載列仙，

灌陽十景詩

馬 璣

尋芳覽勝會羣仙，幾度層巒幾度巔，翠壁連雲蒸樹雨，赤城帶日起
祥煙，峯尖簇立空塵擾，洞口清幽絕外緣，霽後從容頻眺望，千重
碣石挂流泉，青城洞天

石徑循岩過幾灣，荒村名勝喜登攀，世仍懷葛高風在，人類羲皇俗
慮刪，每厭醯鹽非至味，但知耄耋盡童顏，桃源避客同千古，安得
長生老此山，老人勝地

岐山鳴後久無啼，灌口何從得鳳棲，只爲羽儀翔拱北，故教瑞彩集關西，巉崖閣下巢丹穴，翠竹林邊飲碧谿，好是文明真有兆，九苞留得古今題，翠竹棲鳳

蜀守奇功著昔年，毒龍受制始潛淵，修鱗直可綿千載，鼓浪何能溢百川，玉壘不知雲鬢黠，都江惟聽水潺湲，丁寧醜類無相擾，卯育涵濡順自然，寒潭伏龍

神功昭著是離堆，一線鴻濛爲鑿開，北引支流循峭壁，南消沫水過崇臺，寶瓶坐鎮資雄健，堰口牢關聳極隈，一自李公垂績後，千秋誰不動徘徊，離堆鎖峽

小洞幽聲半壁空，玲瓏石竅輒生風，吹噓暗與梳山髮，披拂潛教掃卉叢，甘雨尙資成歲力，嘉禾猶藉表年功，萬民自是咸沾被，誰識

灌志文徵

卷十一 七言律詩上

十

網緼造化工，洞口生風

夕陽西下榮光布，招招舟子尋歸路，波濤蕩漾潺湲聲，隔岸頻聞篙槳渡，月色朦朧繞暮鴉，潭頭慘淡迷孤鷺，一葦從之信可航，誰向水濱問其故，白沙晚渡

古刹靈岩傍碧空，暮燈遙與北城通，初看閃爍高還下，熟視依稀淡復濃，應是神光天際曜，非關野火嶺頭紅，餘暉若向書牕照，不藉吹藜入幕中，靈巖聖燈

竹林古刹傍山城，每夜時聞漸瀝聲，拂拂未妨迎皓月，瀟瀟亦任度殘更，老僧有夢行愁滑，過客無眠聽欲驚，漫道風狂頻作嚮，應知此地接蓬瀛，竹林夜雨

鐘聲何自嚮錚錚，聖塔梵宮舊有名，潦曉空山開早曙，鏗鏘孤月代

黎明，灰心寂滅通玄路，杜口毗邪覺世情，爲問當年傾聽者，箇中消息孰權衡，聖塔曉鐘

張節婦詩

失名

已嫁終成未嫁人，窮愁難轉寸心真，黃泉慟絕無遺嗣，白璧歸來爲養親，半世情懷盟古井，一堂喪祭託孤身，貞風倘得揚彤管，節孝應傳億萬春，

謁范長生祠

黃俞

荒城落落傍青城，古木森陰感慨縈，豈爲逃名貪藥石，卻因避世懶逢迎，衰烟茂草狐狸臥，落日空山杜宇鳴，丹竈只今何處有，可知無術覓長生

花蕊夫人宅

黃俞

灌志文徵

卷十一 七言律詩上 十一

歌舞當年進蜀王，應憐遺址牧牛羊，萋萋細草堆芳徑，漠漠寒煙覆短牆，城上豎旂千載淚，宮中題恨滿簾霜，英雄多少堙荒土，不及夫人姓字香，

觀聖水池

黃俞

拾級扶筇覽聖泉，嵐光萬疊映江天，松枝煨火飛茶社，梅雨飄香入酒筵，陸海膏流參造化，遐荒歌舞付山川，我來玉壘嗟承乏，幸借洪波慶有年，

都江堰

黃俞

岷水遙從天際來，神功鑿破古離堆，恩波浩淼連三楚，惠澤膏流潤九垓，劈斧崖前潭瀑雨，伏龍飛底嚮輕雷，築隄不敢辭勞苦，竹徑經營取次裁，

青城雜詩

蔡時田

炎風暑雨過青城，洞裏琳宮少送迎，隔斷乾坤支杖影，宕搖日月入鐘聲，六時崖畔聽殘偈，三素雲中謁上清，五月騎驢遊太華，不如來謁范長生

灌口謁李公祠望離堆

查禮

石磴盤盤帶女蘿，靈祠終古妥巖阿，雲旗高壓蛟宮氣，翠阜中分燕尾波，萬派春渠交陸海，一江雪浪蹴三峨，誰知禹蹟千年後，更挹神功續九歌，

兵至永康軍書懷

楊南湖

自愧非才敢將兵，西風斜趁馬蹄輕，行雲結陣山川合，飛檄邊關草木鳴，玉壘百蠻瞻拜舞，彤墀千里報昇平，銜杯莫訝西南險，憂樂

灌志文徵

卷十一 七言律詩上 十二

何如范老情，

花洲

劉應鼎

策杖探奇去復回，青眸炯炯欲全開，漫尋砂磧緣村路，纔得名洲幻化裁，細浪縐成銀世界，迴風吹占錦江，隈伏龍吐出喉中沫，應藉寶瓶口噴來，
春色當前望不收，靈機訪得自然洲，非同溪上袈裟浣，還似隄邊柳絮浮，乍合又開雖假合，欲流仍住故紆流，潭平風靜無些障，方悟天心徹底頭，

岷山

石養愚

岷山西上杳難尋，禹跡茫茫此獨深，灌口水分開沃野，夔門浪湧作秋陰，險同雲棧連湘漢，帶與黃河並古今，一線遙通千嶂外，扁舟

惟聽夜猿吟，

步家夫子花洲原韻

劉君成

磧石成洲水激回，紛紛幻作白花開，未煩織女金梭力，渾是湘娥玉
剪裁，東閣寒梅翻雪，浪瑤池瓊蕊散江隈，十洲不許凡人到，我獨
乘驂日往來，

玉女房中鏡影收，卻來灘際幻花洲，湘裾蹴處寒芳湧，編帶飄時素
蕊浮，飛燕細銜應有著，遊魚初吸忽成流，瓊花漫說維楊重，可似
天然岷水頭，

青城名蹟甚多乾隆乙卯秋予三人遊此恍然有天際真人之想因各
賦詩以誌
名列后

洞天第五傳青城，六六高峯接太清，擲筆槽間藤蔓古，朝陽洞外渚

灌志文徵

卷十一 七言律詩上 十三

霞明，桂馨滿院香雲繞，笋插層巒危石擎，道友蘭心塵不染，吟餘
萬籟寂無聲，修徐

卅六峯廻宛若城，六時泉水四時清，樓頭雪嶺千重出，檻外風帆一
片明，雲腳黃龍岡上立，月輪白鹿頂中擎，洞天福地人難到，幸有
鶯鳴求友聲，魯鈿

萬峯環繞似層城，高逼青霄境界清，風日霽時天地爽，煙雲開處斗
星明，草堂仙客今何在，劍石靈芝兀自擎，悟到塵心瑩澈後，惟聞
空際瀑泉聲，徐廷儀

登灌口都江廟閣留贈自明道人

朱道純

道人何處費幽尋，松樹參樓綠雨深，萬里江源爭酒洞，千山嵐翠倚
登臨，烟霞冉冉丹經秘，天地茫茫華髮侵，濟世無才思出世，白雲

仙吏有遐心，

和朱小溟郡守並示自明道人

沈清任

爲愛梅花出郭尋，松杉小閣倚雲深，留題舊有飛仙跡，潑墨何妨醉客臨，一帶江聲寒日短，四圍嵐翠酒杯侵，瑤臺笙鶴無消息，秦岱峯高悟道心，

遊青城

蔣攸銛

話到青城意欲顛，悠悠天地浩無邊，神仙弱水三千丈，世界空花四十年，前古有懷皆渺矣，從今相識總茫然，任他大夢終朝醉，風月從來不愛錢，

思量幾載賦來遊，咫尺蓬山望未休，黑石盤空昂虎首，白雲出岫起龍頭，升高驚避長天壓，眺遠翻疑大地浮，怪道神仙爭住此，不將

灌志文徵

卷十一 七言律詩上 十四

簪笏易林邱，

題雙鳳橋

清乾隆間刻石

王某名佚

平川種得善緣深，二水通橋野渡橫，疊疊杠梁稍病涉，重重湊洧不須乘，扶筇百步駢溪靜，策蹇千秋兩濟平，自是梧桐生石上，爰題雙鳳肇嘉名，

贈青城道士

來寧裕

厭倦塵中光景促，仙鄉來禮紫陽君，人甘淡泊應難老，道在虛無不可聞，松檜穩棲三島鶴，樓臺閒鎖九霄雲，羨師住此朝星斗，一炷清香午夜焚，

露濃如水灑蒼苔，洞口雲羅密不開，殘月影低當戶後，曉鐘聲迴隔山來，春生藥圃芝猶短，夜醮齋壇鶴未回，愁向獨尋歸路去，人間

何處少塵埃，
盤空躡翠到山巔，竹殿雲樓勢接天，古洞草深疑有路，舊碑文蝕不知年，九州物象通簷外，萬里煙霞在目前，自是解人輕舉地，何須蓬島訪真仙，

宿馬祖寺

王夢庚

十里鐘聲隔樹聞，叢林蒼鬱綠雲生，沿隄香氣芎苗接，入座潮音松蓋分，傑閣燈青絕塵垢，空亭塔古認苔紋，日斜授我蒲團供，一榻禪關夢不紛，

青城

王夢庚

傑閣崔巍倚上清，清宵徐詠步虛聲，峯圍仙磬深難散，月避神燈遠愈明，坐久風前添鶴鬢，更殘天上聽雞鳴，何當絕頂凌霄漢，來試

灌志文徵

卷十一 七言律詩上 十五

緜山子晉笙，

謁長生觀用楊用修韻

衛道凝

清風高節范長生，百伐衣冠仰步瀛，爲訪仙人披鶴鬢，終辭霸主佩鸞鳴，黃冠詎捷終南徑，白紵應慚處士聲，堪笑陶朱猶累俗，五湖煙景不勝情，
山色蒼蒼爽氣生，范賢昔日此登瀛，燒丹不解因人熱，辟穀無煩再劍鳴，經濟已舒誠國器，林泉終老豈虛聲，十年芳躅誰相繼，空有歸田一段情，

贈汪南軒

李桂林

天府從來數益州，青城福地久勾留，羲皇以上堪高臥，廉讓之間好暢遊，大老年華開八秩，寓公名字重千秋，他年壽邑修家譜，述德

應傳祖德優，

泉水寺題壁

李桂林

潮隨春漲雪山傾，有客頻來釣月明，橋對寺門松徑窄，池當泉眼石波清，迢迢綠樹高天迴，靄靄紅霞曉日晴，遙望四邊雲接水，碧峯千點數鷗輕，

灌縣雨夜懷王廷和同年

朱琦

乍喜同岑託弟兄，安知治劇藉才名，春風對榻連三月，細雨懷人欲二更，白帝飛書仍轉粟，青城蠟屐竟寒盟，知君竹閣鳴琴暇，應念山頭太瘦生，

憩伏龍觀觀瀾亭

慕景祖

藥竈丹爐蘇久封，危亭步履此從容，風驅急浪雷霆怒，雨洗遙山翠

灌志文徵

卷十一 七言律詩上 十六

黛濃，牛渚無人燃寶炬，蛟宮何處見靈蹤，年來作客侵塵垢，暫借清閑豁我胸，

長生宮

李惺

隱隱琳宮隔石橋，數聲清磬遠相招，圓荷貼水池新漲，修竹篩風暑暗消，塵世勞人均襪襪，神仙好處總逍遙，看棋尙有機心在，未若同傾酒一瓢，

靈巖寺

李惺

愛遊禪境懶參禪，隨坐隨行思渺然，不二門中無一物，大千界外是諸天，山留凍雪堅於石，雨過疎林淡欲煙，色味聲塵都斷絕，鼻根卻戀白旃檀，

程定甫招同張淡如諸君遊青城卽宿其南坪精舍

李惺

言偕勝侶踐幽栖，石磴無塵徑不泥，萬竹勻排新步障，百花分送好詩題，談豪未覺泉聲雜，坐久旋看月影低，聞說老人村已沒，明朝試訪白雲溪，

憶青城天師洞舊遊

李惺

十二樓高接玉京，四無人影靜無聲，爐邊斜倚柏燈坐，醉後倒拖藜杖行，大雪封山惟一白，寒潭受月恰雙清，茫茫此境何由再，夢入松關路亦生，

登灌縣西城作

李惺

岷山來自西蕃外，此是岷陽第幾支，天吸精光盤井絡，地開平面豁坤維，長江出險聲微咽，寒日流空影急馳，所願未知償得否，白沙溪畔一茆茨，

灌志文徵

卷十一 七言律詩上 十七

送孝廉東橋馬光型城南高溥敬堂陳政典星橋張思偉暨武舉馬嘉

賓北上餞別

周因培

頻年醫俗藉芝蘭，忽唱陽關話別難，吐鳳有才欣射策，驅雞無術愧持竿，此行雅合風雲會，何日重聯縞紵歡，且爲梅花拚一醉，灰飛六館正銷寒，五星朗照綺筵開，迎得羣仙入坐來，潑眼三光浮玉壘，關心柳色染金臺，凌雲未奏相如賦，醉月先傾太白杯，天上霓裳同日詠，貯看接軫奪標回，

再到青城留別邑人士

周因培

十年薄宦滯西川，傀儡逢場劇可憐，祇有窮愁頻寫券，曾無雅化可鳴絃，忽登白簡因微罪，仍守青氈亦夙緣，莫道歸裝惟片石，脫離

苦海卽神仙，

築堰分江事隔年，重求風景尚依然，狂瀾滾滾難中立，拙宦勞勞更左遷，舊雨重逢悲喜共，閑雲暫住去來便，名山好友愁離別，何日相尋未了緣，

載酒相邀父老同，臨歧更惜阮囊空，何曾舊尹留遺澤，畢竟斯民尙古風，福地重遊驚昨夢，歸期頻問感余衷，宦場那及鄉居樂，笑語樽前白髮翁，

留別門人

爲選拔高勉齋志元作

周因培

朋來問訊束經裝，且復斯須聚一堂，惟有雙魚緘別意，漫勞一瓣祝心香，開先已捷金泥報，啟後還堪玉尺量，好待巴山秋月夜，爲君高詠鹿鳴章，

灌志文徵

卷十一 七言律詩上 十八

十載琴絃且漫操，何時歸去獲師陶，亦思報國收楨幹，敢謂盈門盡李桃，立品須求堅似玉，爲文應自沃如膏，相期學仕行吾素，休問常情貶與褒，

辭青城自嘲

黃雲鵠

百歲流陰一刹那，那堪垂白復奔波，臣忠子孝歡娛少，位重名高恐懼多，舊部儘容遊不厭，深山賜喜寐無訛，如何古洞纔叁宿，便爾匆匆下薛蘿，

上皇觀題壁

黃雲鵠

散吏何緣謁上皇，仙山有路近高蒼，雨添崖翠迎眉潤，風逗溪聲引興長，萬木陰濃宜避暑，雙杉年久自生香，觀門古杉大數十圍千百年物也暫容領略煙霞趣，爲語同人去莫忙，

宿朝陽洞曉望

黃雲鶴

夜雨空山枕石眠，起來揩眼盼遙天，平林日射青如黛，大野雲鋪白似綿，妙境靜觀殊有味，良遊重續又何年，生機樂意人間滿，肯羨蓬萊頂上仙，

下青城山再遊長生宮道中口占

黃雲鶴

幾日濃陰忽放晴，好風吹我上青城，羣巒滴翠回頭認，萬樹凝煙靚面迎，覽勝儘容黃子久，尋幽再訪范長生，山靈莫更遊人戀，此去塵寰路盡平，

遊上清宮

黃雲鶴

壯遊興到不知遠，直上青城第一峯，絕頂仰看紅日近，平疇極望白雲封，千層雪嶺中原抱，萬斛岷江大壑衝，借問鴛鴦池上水，如何

灌志文徵

卷十一 七言律詩上 十九

出世尙情濃，

遊青城山歸途作

黃雲鶴

天教重向蜀西來，到處花如爲我裁，昭覺寺傳新筍美，文殊院報早梅開，剛從金嶺靄雲出，又自青城踏雪回，半世習勞辛苦慣，音容老健一銜杯，

和周蓮塘送余北行原韻

高溥

青山無數繞華堂，懶向西風束遠裝，聽到鷄鳴猶欲舞，算來雌伏似爲強，男兒事業原辛苦，臺閣文章費酌量，且喜南陔華可采，歸謀春酒一庭香，

麻姑池

高溥

是誰鑿沼最澄清，傳說麻姑舊有名，鶴駕可曾來七夕，鑑泉應許悟

三生，每於旱歲興霖雨，定有勞人淨俗塵，儻比上池能洗髓，水符調取一身輕，

鴛鴦井

高溥

盈盈雙井小廊西，錫號鴛鴦費品題，地面相離纔咫尺，泉源歧出竟高低，水原清淨無瀾起，理有雌雄莫浪迷，寄語棲真諸羽客，盈虛消息好參機，

青城山茶

孫澈

黃帝當年駐蹕村，野人今日采茶園，名山飽沃煙霞氣，小草均霑雨露恩，劇有清風生陋巷，也隨肉食到朱門，上清道士曾相識，爲汲山泉貯瓦盆，

經司馬相如墓道

何盛斯

灌志文徵

卷十一 七言律詩上 二十

典策麟麟耀上台，西南文采闢荒萊，市中傭卒誰能識，門下王孫大可哀，駟馬高車酬素願，美人醇酒老奇才，至今衰草斜陽裏，賸有豐碑臥碧苔，

都江堰

何盛斯

鑿斷離堆萬派平，茫茫益部仰開成，老龍吟嘯秋無力，怒馬奔騰夜有聲，治水白圭應愧死，導江神禹竟如生，鬪雞臺畔觀遺迹，喬梓宜留萬古名，

老人村

何盛斯

飄飄鶴髮映霞顏，爲捫黃精不願還，滿屋桃花經手種，繞渠流水似心閒，衣冠灑落遺塵世，雞犬優遊老故山，此去青城無咫尺，卻疑來往盡仙班，

灌口覽古

何椿齡

羣山如馬渡江來，影落江心翠作堆，萬古蒼茫流不去，一拳混沌鑿初開，陰崖風雨疑龍戰，往事離奇駭鬼才，曾到河源探禹跡，斧痕斑剝護雲苔，

初至灌口寄王西躔同年

何椿齡

水自東流我向西，江源直上駐輪蹄，人如退院僧還寂，春逐催耕鳥亂啼，雲外有雲山縹緲，客中延客醉離迷，同年話到當年事，花落霑茵絮落泥，

瀛城

何椿齡

帽影鞭絲趁客身，孤城花落正殘春，百蠻門戶爭形勝，五季繁華剩劫塵，路曲水都流作字，山深雪亦壽於人，我來欲放東南眼，廣莫

灌志文徵

卷十一 七言律詩上 廿一

亭荒望不真，

登灌城樓

何椿齡

雉堞嵯峨控上游，百蠻形勝勢全收，籌邊那用輸茶馬，治水無勞鑄鐵牛，雪嶺晴時微作雨，風聲來處便如秋，振衣試向青城頂，未信神仙不可求，

歲暮書懷

何椿齡

琴劍飄零已半生，西來一笑又逢迎，杜陵只合依嚴武，劉表偏能重禰衡，海內文章終有價，比鄰鵝鴨漫相驚，蒼茫獨立頻搔首，玉壘山高空復情，

留別岷江書院諸生

何椿齡

管領名山署寓公，偶從人海寄萍蹤，豈如玉餐依劉表，却有彭宣事

馬融，別後梧桐懷舊雨，此行苜蓿飽西風，玉峯雪晴深三尺，歸去柴門月色同，

謝王西躔司馬青城茶

何椿齡

危崖千尺劖雲根，落手岷江試水痕，玉盃正宜邀月色，冰壺好與貯詩魂，味餘枵腹煙霞氣，夢想空山雨露恩，不有白封題寄到，紅塵何處滌襟煩，

王樸齋招同人讌集離堆即事有作

何椿齡

出林鐘磬一聲清，屋角斜陽照眼明，萬古月纔如過客，四圍山不盡知名，邇來豪興差難減，別後春潮莫浪生，歸路馬蹄驕正軟，如茵芳草最多情，

遊青城

張昭德

灌志文徵

卷十一 七言律詩上 廿二

蟬聲搖曳小溪風，一路紆徐謁范公，爲恨詩人先遁跡，翻令野鶴苦追蹤，峯排六六迎新翠，石踐層層印淺紅，歷書崎嶇雲外息，天然畫本比前工，

遊青城

王槐芳

危徑撐天石角橫，行行且止上青城，峯頭樹影排鱗次，澗底泉聲雜鳥鳴，丹訣偶從林下悟，白雲時趁腳邊生，而今解得評詩法，也似看山不喜平，

青城山

張香海

不衫不履看山來，小歇江邨莫費猜，隔岸雲深惟鳥語，沿溪冬暖有花開，人經犖确休驚險，馬到崎嶇未肯回，立處高寒天咫尺，風驅巖壑駭鳴雷，

陰森層接路灣環，名播寰區第五山，愧說西川來俗吏，曾經東海躡
仙關予籍蓬萊距此六千里道人蓄茗勤烹出，古洞硃碑想揭還，夜半霜鐘音斷續，塵心滌盡覺神閑，

遊青城

沈棠

萬里朝山到却回，春風吹送此登臺，危梯鑿險層層出，積翠凌虛面
面來，鶴夢那知塵夢促，雨花休作落花哀，一燈乞得慈悲力，照澈
浮生萬劫開，

和劉方伯花洲原韻

任文燦

一片清淪逝不回，洲花勝似苑花開，浪翻恍見桃脂膩，波縵渾疑柳
絮堆，未許香風吹岸上，漫勞紅雨灑江隈，臨流莫測敷榮處，盡向
離堆往復來，

灌志文徵

卷十一 七言律詩上 廿三

江接岷山勢未收，忽從分派見花洲，紅鋪水面英疑落，綠滿波心艷
欲浮，戲蝶飄飄迷鏡影，輕鷗點點狎銀流，尋芳到處呈佳景，占盡
春光灑灑頭，

依劉方伯花洲原韻

孟其才

峽口分江向北流，湍瀾深處見花洲，結成雪浪方圓折，幻出瓊葩次
第浮，消息有機歸造化，榮枯無意任春秋，天晴試倚南樓望，萬萼
繽紛一鑑收，

和江紹溪聞諸公登青城未獲奉陪元韻

徐涵

恪奉慈幃慎卜居，依山築室度圖書，仲由負米天懷摯，靈運扶筇野
輿疏，往事已隨流水去，重遊還訂早春初，及時行樂君知否，雪上
鬚眉不恕余，

崇福寺幽居詩

做張三丰迴文體

徐 涵

東堂草映竹亭西，獨許高人得穩棲，風向面欣多日暖，月當頭喜少
煙迷，中林滿見繁花放，外院喧聞衆鳥啼，通一使心誠潑匕，空元
妙道佛仙齊，

老人村

朱凌雲

樹裏雲村擁翠鬢，獨從世外駐童顏，養雞翁荷鳩筇出，抱犢人披鶴
髮還，入畫自應踰洛社，采芝何必羨商山，須知此處乾坤別，花木
長榮古洞間，

離堆書事

陳韶湘

江源漲湧滔天勢，汶阜之山滾滾來，萬里濁流通錦水，一時駭浪走
離堆，邱陵會有消磨劫，風雨全關變理才，滿地狂瀾誰挽得，乘槎

灌 志 文 徵

卷十一 七言律詩上 廿四

還想泛蓬萊

鬪鷄臺

郭維藩

荒臺浪說雞飛去，遺跡依然號鬥雞，石柱已看三面倒，土人猶說五
更唬，子安有檄憑誰續，祖述無鞭任爾棲，栖鳳伏龍名勝徧，幾人
危步訪城西，

奎光塔

郭維藩

水走山飛去未休，插天一塔鎖江流，錦江遠挹迴瀾勢，繡野平分灌
口秋，絕頂羣峯爭拱揖，孤根特立自沈淨，我來直欲凌空去，袂把
飛仙作勝遊，

青城雅集圖

黃 湘

見說青城最上頭，娉嬛獨據水山幽，公從退食還親歷，我亦披圖當

臥遊，金谷題詩唐故事，蘭亭修禊晉風流，何時飽飲煙霞趣，攜得壺觴絕頂留，

留別

胡圻

年來蹤跡等浮漚，脫手青銅任去留，築堰已曾滋灌溉，拔糧猶幸少羈囚，那無宵小憎明月，未必清名混濁流，住久難禁揮袂感，記時光緒二年秋，

羣彥登雲豈偶然，木天清望獨開先，

周雅堂
入詞林

輝煌奎閣應成瑞，鼓勵賢

才或有緣，從此驂溜遵道路，本來龍鳳毓山川，惟慚俗吏非黃甲，未敢沽名說選錢，

二王廟感懷

丁寶楨

龍門鑿後大河通，告錫元圭報德崇，別導江流分內外，全將地力徧

灌志文徵

卷十一 七言律詩上 廿五

西東，蜀人廟祀由來久，秦代山川尙此同，善創何人能善述，興懷救弊恨無窮，

和丁宮保王廟感懷原韻

王祖源

未陳牲醴意先通，瞻拜隨班禮報崇，一派水分江內外，千倉惠徧畝西東，不因艱阻精誠易，饒有謳歌今古同，遠近蚩氓碑是口，尙書德澤被無窮，

和丁宮保王廟感懷原韻

丁士彬

灌江惠澤衆渠通，廟貌千秋典禮崇，二派區分城以北，百川保障堰之東，寶瓶水誓淘灘後，錦野田疇擊壤同，景仰兩楹思往事，閭閻樂利祝無窮，

和丁宮保王廟感懷原韻

莊思恒

復堰分流萬派通，三千年後繼功崇，降康暗助匡勳力，食德咸消大小東，勉步家聲循治譜，盡心民隱冀風同，每瞻節鉞金隄上，饑溺關懷意未窮，

和丁宮保王廟感懷原韻

莊裕筠

尙書誠感二王通，報德今看廟貌崇，內外江涵雙澤遠，百年堰滙衆流東，離堆偉績規模定，導水豐功先後同，聽祝卿雲長庇蜀，謳歌滿地意何窮，

和丁宮保王廟感懷原韻

繆延祺

誠昭肝鬢氣潛通，不獨馨香俎豆崇，萬嶺南橫皆向北，二江西下合朝東，功侔禹績何其偉，派溯秦時自不同，救弊原爲興利起，回思往事感無窮，

灌志文徵

卷十一 七言律詩上 廿六

都江感懷

丁士彬

九載光陰一刹那，追節隨蠹幾經過，官家要識農家力，川上何如世上波，先覺爲民求米易，後來居上覆籠多，紗窗夜雨浸燈急，杜宇聲中發浩歌，

同程方伯謁二王廟輿中口占

丁士彬

亘古英靈赫有聲，同修瞻拜告功成，事由神助全工葺，天爲人開半日晴，活水一源覘性量，穉桑萬顆亦蒼生，媿余何幸追芳躅，願指扁舟證宦情，

青城洞天

陸法言

與天無極是青城，久欲支筇到此行，百斛巖泉生意活，一釵松雪洗心清，洞中日月分今古，眼底江山自送迎，歷遍丹臺無妙藥，更從

何處覓容成，

劇基東鄧純豐

陸法言

一局安排玉壘雲，古今同此戰紛紛，輸贏無定知難測，黑白由來怕太分，可惜長城隨意壞，空勞大匠運心勤，東山舊是投閒慣，無事勞勞且息筋，

遊竹林寺

陸法言

颯颯天風送我行，遺愁來此步虛聲，峯從轉處疑無路，水入流似不平，野寺尙餘年月古，殘碑能使鬼神爭，攀援未盡看山興，苦雨終朝不肯晴，

哭楊東園用周子鑑元韻

傅毓秀

論交總角性彌真，回首雞窗迹半陳，千里行舟悲作客，廿年獻賦肯

灌志文徵

卷十一 七言律詩上 廿七

依人，衣裳嫁線翻成累，箱篋藏書不救貧，獨恨玉樓相召促，空留明月證前身，

鍾期已往痛知音，流水高山漫撫琴，叔向無兒誰墓奠，中郎有女篆碑陰，桐因被燒留餘嚮，蕉爲含愁剝盡心，珍重錦囊佳句在，難教漢上再題襟，

道光戊戌歲飢蔡侯福田發粟勸糶其年有秋民爲建坊以志之

佚名

霓旌西指馬蹄催，灌口歡迎叔度來，兩澤萬家聞雀抃，雷封百里展鴻才，曾憂鮮飽看星罍，又慶豐穰兆雪堆，行過洞天三十六，召棠郁黍一齊栽，

奉和羅綺樓先生得官廣文原韻

高升之

聞到芳名已廿年，尋常一見也由天，世情誰辨臧三耳，佳宦難求第
二泉，休把貲郎嘲蜀彥，且看學海養王鱣，寒氈竊擬他年託，竟訝
鞭能著我先，
管領仙班樂唱酬，春風取次繞花籌，公餘調翕無雙譜公繼室蕭夫人最淑官雅人
欣第一流，好把門丁看赤子，莫瞋手版傲蒼頭，豆芽食罷心還詡，
也算無監有蟹州，

奉和羅綺樓先生得官廣文原韻

杜敬修

芸窗共志幾經年，顯晦功名一任天，舊雨每懷敲燭夜，清風又送出
山泉，當時一廩叨恩餼，此日三銜協瑞鱣，屈指師門前後輩，臯皮
擁座讓君先，

生平詩酒迭賡酬，福命猶應遜一籌，韓愈道尊堪解學，鄭虔官冷是
灌志文徵
卷十一 七言律詩上 廿八
清流，繼挑琴韻和焦尾，誰把名場笑爛頭，二月明年花似錦，春風
化雨徧梁州，

庚申九月蜀中小北路爲寇所阻文報不通至十有一月乃知吾鄉多
死事者賦詩四章志悼亦楚騷國殤之意云爾 羅鳳藻

驚心烽火憶鱸鄉，擐甲憑君障一方，祇信終軍能破敵，誰期小阮竟
拋槍，生而有勇真男子，死則成名紀太常，移孝作忠人共歎，白頭
陵母勿悲傷，何左泉 孝廉

書生擲筆賦同仇，願策安危竟出頭，抵死直須爭一刻，大名從此足
千秋，荷戈顧盼稱奇士，銜劍從容報邑侯，試問河西諸父老，何人
涕淚不橫流，孫玉藻 茂才

赳赳誰可作干城，豪俠由來出至情，偏是武人忘惜死，從無志士怯

捐生，愛鄉欲去閭閻害，殺賊猶餘叱咤聲，四境聞風興起易，定知羣寇不難平。任三元武舉

天險岷江守亦堅，如何瓦解困烽煙，最傷婦孺遭荼毒，又慟男兒厄虜遷，遠客思鄉惟自苦，勞民何事不堪憐，懸知所在瘡痍滿，西望停雲意慟然，殉難人民

聞傅益齋潘碧泉兩茂才率鄉勇禦寇沒於陣

羅鳳藻

玄黃戰野塞氛埃，躍馬橫戈有茂才，義不負鄉緣善教，名堪垂世豈云災，武夫避敵生猶覩，儒者齊殤死可哀，嶺上梅花同墮淚，招魂好爲薦香醅，

感賦

崇實

歲云莫矣未休兵，每念哀鴻百感生，蕩析豈緣皆避寇，轉輸多半出

灌志文徵

卷十一 七言律詩上 廿九

橫征，捫心我亦無奇策，屈指誰能致太平，大燾高深牙自愧，幾時玉壘得澄清，

題師虎臣遠遊草

文鼇

九載遨遊技益神，江山風物費陶鈞，功名未許調今鼎，文字還應到古人，恥與樂天爲後進，直疑子美是前身，從今莫厭閑居賦，管領風搔勝要津，

追和周椿園明府左遷留別原韻

方景福

桂林花雨散三川，宦海浮沈不計年，訓鯉別開文黨室，割雞難滯武城絃，一囊佳句增行色，兩袖清風了夙緣，回首南宮初報捷，十年袍笏誤天仙，

彩筆花含道氣深，行藏猶是孔顏心，蠅頭細字閑閑寫，馬首離觴細

細斟，滿野桑麻春露渥，盈門桃李綠陰森，王喬此日雙鳧去，惆悵
岷山費苦吟，

慰周椿園師謫官

李芳

彈章飛下意辛酸，百里賢侯竟挂冠，強項共知招咎易，冰心終覺賞
音難，波生宦海原無定，興寄詩囊只自寬，此去清風仍兩袖，幸遭
焚券有馮驩，

贈馬祖寺廣興上人

李芳

曾經滄海已多年，今日重尋未了緣，踏遍鳳城朝北闕，歸來馬祖證
西天，吟安一字推敲苦，法語三乘俗垢捐，九轉丹成何所樂，清風
明月共盤桓，

慰英紹和明府左遷

李芳

灌志文徵

卷十一 七言律詩上 三十

參天翠竹被蕉彈，共道方隅失好官，傲骨從來難混俗，長才猶自歷
諸艱，亡羊尚可將牢補，失馬何須作禍看，轉瞬青天雲霧散，方期
皓月又團圓，

贈別晁耀南明府

李芳

憶自花簪杏苑前，福星高照灌陽天，臣心似水清如許，鐵案如山判
不延，馴治能同龔遂德，化民應比子游滋，兩河除盡萑苻跡，衆母
歌聲四野傳，

贈別邑侯胡若川

李芳

琴堂雅化仰青天，愁聽瓜期要改絃，文是新裁工集錦，刀雖小試喜
烹鮮，飛鳧便覺棲無定，載鶴難求去復還，盛代需才應首選，爲霖
指日報升遷，

賊去感懷

李芳

式微久已厭紛奔，幾日歸來緊閉門，三徑荒蕪松菊冷，十年飄泊劍書存，家寒始覺知交少，累重方知債主尊，若遇孟嘗彈我鋏，食魚還欲策高軒，

宿楊熙文講齋夜話

馬光型

契闊秋深久不堪，今宵燈下共清談，興從樂處詩三昧，話到情中酒半酣，一席廣文官不冷，廿年名士服猶藍，閒看桃李陰方盛，老大無成竊自慚，絳帳玄經意共探，與君香火祇同龕，居鄰仁里方王謝，交本通家類孔聃，知我故應惟鮑叔，殺人久已誤曾參，偶來問字亭邊過，良語慇懃諫果甘，

灌志文徵

卷十一 七言律詩上 三二

戊寅冬李丹巖明府重莅灌江寄呈

馬光型

一別匆匆兩載侵，琴堂又見福星臨，冰清自仰頭銜貴，玉潔還看藻鑑深，得託幘幪皆夙願，卽論蹤跡亦知音，甘棠此日懷新澤，猶是河陽舊種陰，

重掌岷江書院偶成

馬光型

一別岷江廿載春，講堂重到話前因，懸來楹帖痕猶舊，創就齋廡制更新，問字倍添今日酒，傳經還憶昔時人，歸歎嘆後懷吾黨，重與慇懃逮笈津，

輓唐九如

馬光型

一曲鈞天夢未央，遽聞帝召遣巫陽，春風路斷當時驛，夜月樽虛北海觴，好客平原餘俠骨，急人郭解有真腸，墓門宿草增惆悵，掛劍

淒涼隴樹蒼，

贈王蔚山先生

馬光型

快坐春風數日中，塵氣萬斛自消融，襟如叔度波千頃，室住維摩地半弓，焦尾頗聞操賀若，磬頭直欲擬關同，幽蘭十幅新揮就，不數當年子固工，

呈王司馬西臚夫子

馬光型

得坐春風近廿年，門牆私幸比彭宣，昂頭驥子名爭識，燒尾龍門譽未傳，棘院禮師雙榻拜，玉觴飛韻幾人聯，祇今桃李陰多少，頗憶栽培獨最先，

遊常道觀

曾懷玉

洞天撐出半崖斜，仙院蓬萊碧霧遮，竹影密篩三徑月，鐘聲敲落一

灌志文徵

卷十一 七言律詩上 三三一

林花，雲深石上眠孤鶴，樹古簷前捲亂蛇，爲問丹爐能借我，不妨煮石臥煙霞，萬峯寒翠夜沈沈，幾點疏星出遠林，黃葉亂飛驚鶴夢，蒼松怒吼作龍吟，不須世外換凡骨，坐久山中生道心，戎欲丹砂學勾漏，何須更訪白雲深，

遊上皇觀

曾懷玉

晴雲舒捲赤城霞，放眼看山興已賒，雞犬有聲天外落，風雲變態座中遮，千年古鼎頻生蘚，二月仙桃未放花，遙指翠微峯上路，往來疑似有人家，山徑無人長石苔，仙風自掃白雲開，一時花鳥歸詩筆，萬里烟霞落酒杯，檻外雙杉撐翠出，峯頭八卦擁青來，此間已是忘機處，纔欲

忘機鐘又催，

遊西山寺

曾懷玉

萬木濃陰擁梵宮，鐘聲敲動雨濛忒，苔侵翠長空塔滿，花落香隨曲徑通，欲謝塵寰尋野鶴，故遊山水跨飛驄，明朝佩劍攜琴去，一路寒煙兩袖風，

宿上清宮

曾懷玉

琳宮天上絕塵輕，靜鎖元關海樣平，翦燭已殘無我相，聞風都作步虛聲，渾忘俗累身為客，偶有仙緣夢亦清，丹竈黃芽何必問，高樓鐘響悟三生，

出郭登靈巖山寺

黃應泰

羣巒橫黛夾深溝，石磴盤空勢更遒，徑外野花霜氣肅，澗中流水玉

灌志文徵

卷十一 七言律詩上 三三一

聲幽，雲容舒捲千峯出，山色蒼茫萬樹秋，我訪靈巖一登覽，江沱如帶入吟眸，

長嘯凌雲倚碧峯，唐家闢此梵王宮，登壇參佛香煙冷，嗜古尋幽碑碣空，風洞昔傳飛霧黑，龍池今照夕陽紅，更看鐵像封塋土，法界從茲悟塞通，

邑侯辛公惠政詩

高翔

公署灌篆甫下車適賊至激衆防禦兩河幸安堵焉已而百廢具修
惠我私綴詞刊石以詔後人

雙鳧飛繞灌江頭，星使光華照十洲，報國手操誅賊笏，籌邊目極鎮夷樓，鼠牙頌息堦庭靜，熊耳山高草木幽，料得巖疆資保障，不徒琴鶴羨風流，

沿江豺虎勢縱橫，烽燧迷天一望驚，四野風飄鴻雁唳，重門月冷鶴
鵝聲，賊能避舍尊廉吏，令解聯團起義兵，岷嶺鉤連雲棧險，憑公
萬里作長城，

藹藹清風動竹林，虛堂懸鏡少壘侵，居官不改儒生服，經世常存父
母心，堆劈二江循水則，橋成十月樹棠陰，青城地僻民多福，無事
來聽單父琴，

宦囊金盡不嫌貧，念切瘡痍未起民，亂後人心偏易感，古來吏治最
難純，柳垂彭澤千條碧，花豔河陽一縣春，解得猛寬相濟意，佇看
良史記賢臣，

題上清道觀

譚煥廷

到門山色綠縱橫，紫翠浮嵐畫不成，千點聖鐙雲外散，一聲仙磬兩

灌志文徵

卷十一 七言律詩上 三四

中清，泉從深谷流來冷，樹向奔崖險處撐，宮觀玲瓏蓬島上，鬱葱
佳氣接長生，

灌志文徵附載

勘誤表

卷數頁

數行

數譌

舛

卷九七言古詩上

第五頁 第六行第十一字

鳥誤作寫

第八頁 第十九行第十五字

羈誤作霸

第十一頁 第九行正文

岳字應在層字下

第十三頁 第二十行第六字

興誤作輿

第十四頁 第三行第十五字

涇誤作溼

同 第十三行第七字

州誤作洲

第十五頁 第十六行第四字

虬誤作虹

第十七頁 第一行正文

沙沱二字衍文

第十八頁 第十行正文

滕誤作騰

第十九頁 第十五行夾注

隰誤作隰

第二十頁 第十二行第十字

興誤作與

灌志文徵附載

勘誤表

同

第二十一頁 第二行第十字

因誤作田

同

第二十三頁 第十七行第十一字

容誤作客

同

第二十五頁 第三行第八字

崩誤作崩

同

第二十六頁 第二十行第十二字

峽誤作十

同

同 第二十二行第十六字

城誤作域

同

第二十七頁 第三行第二十一字

干誤作于

卷十七言古詩下

第五頁 第六行第十二字

峯誤作風

同

同 第十六行第三字

稀誤作兮

同

第八頁 第十九行第二十一字

蛾誤作峨

同

第十一頁 第十四行第二十三字

蠹字誤倒

同

同 第十六行第十四字

霄誤作霄

同

第十六頁 第九行正文

應作五里遙風飄飄

同

第十七頁 第八行第二十字

力誤作方

同

第十八頁 第十八行第五字

黃誤作集

第十九頁 第六行正文

應作文人五嶽尊

第二十頁 第十二行第十七字

鍾誤作挿

同 第十三行第八字

白誤作百

同 第十七行第十二行

龍誤作龍

第二十一頁 第一行第十三字

馮誤作憑

同 第二十一行第三字

審誤作寶

第二十三頁 第一行第二十四字

俾誤作但

同 第二十行第十四字

漁誤作魚

第二十五頁 第九行第十七字

猶誤作獲

第二十六頁 第四行第十五字

頃誤作傾

同 第三行第二十二字

姑誤作枯

同 第二十一行第十字

何誤作河

第二十七頁 第二行第十八字

聊誤作聯

第二十八頁 第四行第二十五字

遂誤作選

灌志文徵附載

勘誤表

同

第十四行第二十五字

鋪誤作鋪

同

第十七行正文

干雲二字誤倒

同

第十九行第二字

窾誤作窾

同

第十行第四字

鎖誤作瑣

同

第五頁 第二十一行第二十二字

響誤作嚮

同

第九頁 第十四行第十一字

潢誤作璜

同

第十七行第二十字

澗誤作樹

同

第十頁 第二十行第二十三字

響誤作嚮

同

第二十二行正文

響誤作嚮 瞭誤作潦

同

第十一頁 第二十一行正文

飛潭二字互錯

同

第十三頁 第六行第十六字

裙誤作裾

同

第十六頁 第四行第九字

迴誤作迴

同

第十七頁 第十七行第十七字

山誤作三

同

第二十二頁 第一行正文

晴雪二字誤倒

卷十一

律詩下

同

第三頁

窾誤作窾

同

第九頁 第十四行第十一字

潢誤作璜

同

第十頁 第二十行第二十三字

響誤作嚮

同

第二十二行正文

響誤作嚮 瞭誤作潦

同

第十一頁 第二十一行正文

飛潭二字互錯

同

第十三頁 第六行第十六字

裙誤作裾

同

第十六頁 第四行第九字

迴誤作迴

同

第十七頁 第十七行第十七字

山誤作三

同

第二十二頁 第一行正文

晴雪二字誤倒

卷十一

第二十二頁 第十三行第十八字

盡誤作書

同

第二十三頁 第二十行第十二字

度誤作度

同

第二十四頁 第十九行第十六字

淨誤作淨

同

第二十五頁 第四行第二十三字

糧誤作糧

同

同 第八行第八字

溜誤作溜

同

第二十七頁 第十五行第九字

響誤作響

同

同 第十九行第十五字

雨誤作兩

同

第二十九頁 第十二行正文

牙深二字誤倒

同

同 第十七行第二字

搔誤作搔

同

第三十頁 第三行第三字

椿誤作椿

同

第三十二頁 第二行第八九字

塵氛誤作塵氣

同

同 第十五行第十七字

我誤作戎

同

第三十三頁 第九行第二字

響誤作響

灌志文徵附載

勘誤表

三

同

同 第十九行正文

我字下脫一無字

同

第三十四頁 第十一行正文

點誤作黠兩誤作兩

